



Ar Priñs Bihan

Fichenn [1]

Domani : lenn skeudennoù

Palioù : studiañ ar golo

- dizoleiñ ha hennadiñ elfennoù lies ar golo
- arsellout ar golo evit dastum ditour hag ober goulakadennoù diwar an oberenn
- emouezañ ouzh e ziuzoù kenedel hag o ezgeriañ

[Dafar : Diazezet eo ar studi-mañ diwar embannadur PREDER 1999. Mat e ve kaout embannadur gallek kentañ – New-York, 1943 – ar gontadenn evit keñveriañ tresadennoù ha livioù an dourlivadurioù.]

I- Ditour ha lizherennoù

- 1- Petra eo talbenn an istor emañ o vont da lenn ?
- 2- Piv eo an aozer anezhañ ?
- 3- Ha skrivet ez eus anv an embanner war ar golo ?
- 4- Hag anv un dastumad zo ?
- 5- Un anv all zo war ar golo : hini piv eo ?
- 5- Pet doare lizherennoù (nodrezh) a gaver war ar golo ?
- 6- Keñveir pajennaoadur ha lizherennadur meur a c'holo (e meur a yezh, a veur a vloavezh embannadur...). Displeg pe re eo a gavez ar re gaerañ ha perak.

II- Ar skeudenn

- 1- Klask en ur geriadur ster ar ger « dourlivadur ».
- 2- Renabl an elfennoù a gavez war ar skeudenn.
- 3- Ha gallout a rez ober goulakadennoù, martezeadennoù, diwar-benn ar pezh a c'hoarvezo en istor, ken o sellout ouzh skeudenn ar golo ?
- 4- Sell ouzh skeudenn ar 4^{re} ha 5^{et} pajennoù. Ha gwir eo da vartezeadennoù da 'z meno ? Ha ne vo ket dav dit kemm anezho mui pe vui ?

III- An aozer

- 1- Klask niverenn ar pajennoù m'emañ skrivet e anv.
- 2- Ha bezañ ez eus, en embannadur 'zo ganit, ditour diwar e benn ?
- 3- Klask evit ar prantad a zeu ditour er geriadurioù, war Internet, el levraoueg, diwar e benn. Ha levrioù all en deus skrivet ?

IV- Evit mont pelloc'h

- 1- Skriv an ditour ac'h eus kavet diwar-benn Antoine de Saint-Exupéry.
- 2- Diwar studi ar golo hepken, skriv, dre vras, pezh a c'hallez ijinañ eus istor ar gontadenn.
- 3- Ma 'c'h eus bet tro da geñveriañ goloioù meur a embannadur, skriv pe hini a gavez ar bravañ ha perak.





Ar Priñs Bihan

Fichenn [2]

Domani : *lenn diouzh un hentenn*

Palioù : *studiañ an doare dezrevelliñ en dedi. Diskuliadur forc'hellek an den m'eo dediet al levr.*

Studi an dedi :

Klask pelec'h emañ an dedi e 'z levr.

I- Geriaoueg

Klask er geriadur brezhoneg-brezhoneg petra eo un « **dedi** ».

Klask c'hoazh ar ger « **gouestlañ** » ha gerioù eus an hevelep kerentiad.

II- Plegenn an dezrevell

A/ Piv zo o komz da biv ?

- 1- Piv eo « me » en dedi ?
- 2- Da biv emañ o skrivañ ?
- 3- Da biv eo dediet al levr ?
- 4- Merkañ gant livioù disheñvel ar frazennoù skrivet da Leon Werth hag ar re all.

B/ An den m'eo dediet al levr.

- 1- Skriv dre vras ar pezh a c'hallez gouzout diwar e benn.
- 2- E peseurt plegenn emañ ?
- 3- O c'houzout ma skrivas Saint-Exupéry Ar Priñs Bihan e 1943, ha gallout a rez displegañ perak emañ an den-se en hevelep plegenn ?
- 4- Klask war Internet ditour all diwar e benn : petra a rae, da 'z soñj, d'an daou zen-se bezañ mignoned ?

C/ Ar giminiadezh.

- 1- Skriv en ur frazenn ster ar giminiadezh evel m'emañ komprenet ganit.
- 2- Merk peseurt re eo an troiennoù emzigareziñ skrivet gant Saint-Exupéry.
- 3- Perak en em zigarez Saint-Exupéry d'ar vugale ? Ha ret e oa dezhañ ober kement-all ?
- 4- Peseurt santadur a glask Saint-Exupéry dihuniñ e kreiz ar vugale ?

D/ Da biv eo skrivet an dedi-se ?

- 1- Peseurt arguzennoù a c'haller kavout evit lavarout ez eo skrivet an dedi d'« ar vugale » ?
- 2- Daoust ha skrivet eo bet an dedi-se evit bezañ lennet gant bugale hepken ?
- 3- Penaos e c'hell un den bras kompren ar giminiadezh ? Petra a lavar ar giminiadezh d'an dud vras ? Peseurt frazenn zo skrivet evit an dud vras dreist-holl ?
- 4- Da 'z soñj, istor ar priñs bihan zo bet skrivet evit ar vugale pe evit an dud vras, a benn ar fin ? Skriv, pe lavar, perak e soñjez kement-se.





Ar Priñs Bihan

Fichenn [3]

Domani : *lenn*

PRANTAD 1

Palioù :

- *pledñ gant al lenn ha komprenidigezh ar rannoù eus 1 da 7*
- *diforc'hañ : aozer, daneveller, tudenn*

I- An daneveller : ar “vouezh” a gont an istor

- 1- Rann 1: Gant peseurt gour eo arouezet an daneveller er skrid ?
Hag un dudenn eus an istor eo ivez ?
- 2- Goude lenn ar rannoù eus 1 da 7, klask sevel roll an traoù a ouzomp diwar e benn.

II- An dudenn

E dibenn ar rann 7, peseurt ditour eo deuet a-benn an daneveller da gaout diwar-benn ar priñs bihan ? Ha gallout a rez o skrivañ o terc'hel kont eus ar pezh zo skrivet el levr, met eus ar pezh a c'hallomp kompren gant e emzalc'h ha gant e zoareoù ivez.

III- Aozer, daneveller ha tudenn

Tri boud distag int : bevet en deus an aozer, Saint-Exupéry, evit gwir. An daneveller hag ar priñs bihan avat zo “boudoù e paper”, pe “boudoù diwar paper”. Koulskoude o deus perzhioù boutin.

- 1- Peseurt perzhioù boutin a welez etre an aozer Saint-Exupéry ha daneveller an istor ? Sav o roll.
- 2- Peseurt perzhioù boutin a welez etre tudenn an daneveller hag ar priñs bihan ?
- 3- Mar dalc'hez kont eus da evezhiadenn ziwec'hañ amañ a-us, ha ne c'hallfes ket kavout ur vartezeadenn a vefe aesoc'h da ijinañ eget hini al levr evit displegañ penaos e c'hall bezañ eus ar bugelig-se e-kreiz ar gouelec'h ?

PRANTAD 2

Palioù :

- *studiañ ar rann VIII (adal « Ha setu ma 'n em ziskouezas ur beure », p. 31, betek ar fin)*
- *hennadiñ an daou vod dezrevellañ : danevell / diviz*
- *studiañ ar poentadur hag al lavarennoù gennet en divizoù*

Dafar :

Labourat, par ma c'haller, diwar un destenn adsavet gant luc'heiladennoù peget a-stroll.

I- Daou vod dezrevellañ

- 1- War da luc'heiladenn, uslinenn gant da feltrenn dre luc'h pezh a gont an daneveller. Petra eo pezh a chom ?
- 2- Peseurt merkoù a 'z sikour da gavout an dezrevelloù-se ?





Ar Priñs Bihan

Fichenn [4]

II- Daou vod dezrevellañ

	En danevell	En diviz
Piv eo a gomz ?		
Da biv e komz ?		
Pelec'h emañ ?		
Pegoulz ?		
E peseurt amzerioù emañ displeget ar verboù ?		
Gant peseurt gour ez eo aroueziet ar priñs bihan ?		

III- Studi an diviz

A/ An arouezennoù (pajennaoadur ha poentadur)

Gant peseurt arouezennoù e tremener eus ur mod dezrevellañ d'egile ?

B/ Al lavarennoù gennet en diviz

Despizadur : komzoù lakaet e-kreiz frazenn un diviz, a verk emañ an daneveller aze. (sellout ivez ouzh ar *Stagadenn 1* fichenn 15).

1- Uslinenn al lavarennoù gennet gant ur feltrenn dre luc'h.

3- Peseurt gerioù a zispleg dit penaos e rankez lenn bommoù an diviz ?

2- Skriv roll ar verboù implijet el lavarennoù gennet-se. E peseurt amzer ez int displeget ?
Ha kalz a zo anezho ?

IV- Lenn

Dre strolladoù tri (div dudenn + an daneveller), pleustriñ da lenn ar rann-mañ gant an ton azas.





Ar Priñs Bihan

Fichenn [5]

Domani : *lenn / skrivañ*

Palioù :

- *hevelep skrid hag ar prantad a-raok (rann VIII : pajenn 31 « Ha setu ma... » betek an dibenn).*
- *Hennadiñ neuzid, temz-spered an tudennoù.*

I- Ar rozenn

- 1- Adlenn komzoù ar rozenn. Petra a gomprened diwar-benn temz-spered ar vleunienn ?
- 2- Sav roll he ferzhioù mat ha hini he sioù.
- 3- Petra a ra dezhi bezañ esmaeüs, trefuus memes tra ?

II- Ar priñs bihan

Clask an arverkoù a ziskouez anat e kar ar priñs bihan ar rozenn.

III- Skrivañ

E-lec'h diwanañ war blanedenn ar priñs bihan, e tiwan ar rozenn war blanedenn un den digas, rust ha rok. Ijin o diviz.

Urzhioù :

- 1- Gra implij eus ar pezh e 'c'h eus desket a-zivout an divizoù.
- 2- A bep eil e skrivi frazennoù danevelliñ ha frazennoù diviz o toujañ d'ar poentaouiñ.
- 3- Lakaat a ri lavarennoù gennet gant verboù lies.
- 4- Lakaat klokaennoù doareoù da resisaat ton ar frazennoù.
- 5- Dre an diviz skrivet ganit e c'hallo al lenner meizañ pe hini eo temz-spered pep tudenn.

IV- Deskiñ ha c'hoari

Deskiñ a dri (un daneveller, div dudenn) ar skrid pp. 31-33 : « *Ha setu ma 'n em ziskouezas ur beure, (...) ha gwalleürus-tre e oa deuet da vezañ* » d'e c'hoari a-stroll dirak ar re all evel ur pezh.





Ar Priñs Bihan

Fichenn [6]

Domani : *hentenn lenn / geriaoueg*

Palioù :

- *Rann X : ezteurel ar youl hag an aotre*

I- Ar roue

- 1- Hag erezus, kasaüs e hañval ar roue-se dit bezañ pe lu, bubuik, hepken ?
- 2- Klask arguzennoù er skrid evit displegañ da soñj.
- 3- Petra eo e si brasañ ?
- 4- Klask holl elfennoù e demz-spered a hañval lu dit.
- 5- Klask er skrid an holl c'herioù hag an holl droiennoù a ziskouez ar youl, ar vennantez.

II- Ar priñs bihan

- 1- Perak e wisk ar priñs bihan un emzalc'h kompez-tre, kerreizh-tre ?
- 2- Koulskoude n'eo ket suj d'ar roue. Klask skouerennoù en diskouez.
- 3- Dastum an troiennoù seven a implij.
- 4- Dastum an troiennoù a eztaol an aotre.

III- Elfennoù ar flemmskrid

Ur flemmskrid zo ur skrid, un destenn a dag, a flemm, un den pe un dra bennak oc'h ober goap outañ, gant fent.

Displeg perak e tenn poltred ar roue-mañ d'ur flemmskrid.

IV- Skrivañ

Oc'h ober gant ar gerioù nevez-desket ganit, ijin un diviz berr etre ar priñs bihan ha Loeiz XIV pe Napoleon.





Ar Priñs Bihan

Fichenn [7]

Domani : lenn / yezhadur

Palioù :

- Ar buhezadoù nac'hek
- Gwiriañ pe skoazell d'ar c'hompren evit ar rannoù IX da XXI

I- Ar buhezadoù nac'hek

1- Lenn ar rannoù eus IX da XXI ha klask, diouzh o urzh, an tudennoù en em gavas ar priñs bihan ganto e-kerz e veaj. Renk int e daou vann :

An tudennoù yaek	An tudennoù nac'hek

2- Ro arguzennoù evit displegañ perak 'c'h eus int renket evel-se.

3- E lodenn gentañ-mañ e veaj – an Douar lakaet e-barzh – en deus buhez ar priñs bihan traoù o deus eñ lakaet da brederiañ. Petra en deus desket, pe komprenet ?

4- Pajenn 48 : « Hennezh, a soñjas ar priñs bihan, a boellata un tammig evel va mezvier. » Perak e tenn emzalc'h an div dudenn-se an eil d'egile ? (Adlenn ar rannoù XI ha XII a-raok respont. Sell ivez ouzh poelladenn 1 ar fichenn 9 da gaout un tamm skoazell, ma 'c'h eus ezhomm.)

II- An douor : doare-gourc'hemenn

Er rann XI en em gav ar priñs bihan dirak un den fougeüs a blij dezhañ reiñ urzhioù hag alioù dezhañ : « *Stlak da zraouarn !* », « *Gra plijadur din !* », « *Estlamm dirazon !* » Hemañ eo an douor, pe doare-gourc'hemenn.

1- E peseurt gour ez eo displeget ar verboù amañ gantañ ?

2- Klask displegañ an hevelep verboù en hevelep moz, en doare-gourc'hemenn, e gourioù all. E pet gour disheñvel e c'hallez displegañ ? Lakaomp e vefe daou briñs bihan dirazañ, penaos e lavarfe ? Ha ma vefe eñ ivez ur priñs bihan e-mesk priñsed vihan all, penaos e c'hallfe lavarout ?

3- Displeg bremañ ar verboù-mañ e tri gour an doare-gourc'hemenn :

chom – saludiñ – c'hoari





Ar Priñs Bihan

Fichenn [8]

Domani : *lenn / geriaoueg*

Palioù :

- *Gwiriañ pe skoazell d'ar c'hompren evit ar rannoù IX da XXI*

I- Geriaoueg : an endalc'had

A/ Skrivet ez eus pajenn 44 : « ... un dastumadenn voutailhoù hag un dastumadenn voutailhadoù. » Ha gouest out da glevout an difroc'h ster ?

« Boutailh__ » zo un endalc'her a c'haller lakaat un dra bennak ennañ.

« Boutailhad » eo an endalc'had, pezh zo lakaet er voutailh.

B/ Ro o anv d'an endalc'hadoù-mañ :

Laezh en ur voutailh : *ur voutailhad laezh.*

Soubenn en ur skudell :

Pesked en ur baner :

Tud en un ti :

Morlaeron en ur vag :

Plouz en ur garrigell :

Levrioù en un armel :

Ed en ur park :

Madigoù en ur sac'had :

Poelladennoù en ur c'haier :

Dilhad en ur valizenn :

II- Geriaoueg : ster kewer / ster diarneuz

Ster kewer ur ger en deus un dalvoudegezh danvezel, fetis, evit gwir...

Ster diarneuz ur ger zo liv an ijin dezhañ, ur skeudenn empentet, barzhoniell, difetis eo.

« Ar blanedenn da heul a oa annezet gant ul lonker. Ar weladenn-se a voe berr-tre, met sankañ a reas ar priñs bihan en ur velkoni don.»

Er frazennoù amañ da heul, klask hag ur ster kewer pe ur ster diarneuz en deus ar verb « sankañ ».

Laka ur groaz er c'hombodoù a zere :

	Ster kewer	Ster diarneuz
Sankañ a reas ar priñs bihan en ur velkoni don.	<input type="radio"/>	<input type="radio"/>
Sankañ a ra tachoù en ur planken koad.	<input type="radio"/>	<input type="radio"/>
Lakaat a ra mennozioù nevez da sankañ e spered an dud.	<input type="radio"/>	<input type="radio"/>
Sankañ a ra kaol en e liorz.	<input type="radio"/>	<input type="radio"/>
Sankañ a ra ar babig en ur c'housesed don.	<input type="radio"/>	<input type="radio"/>
Sankañ a ra ur garotezenn en e c'henoù.	<input type="radio"/>	<input type="radio"/>





Ar Priñs Bihan

Fichenn [9]

Domani : lenn / geriaoueg

Palioù :

- Gwiriañ pe skoazell d'ar c'hompren evit ar rannoù IX da XXI

I- Kompren : chadenn urzh an darvoudoù

Adlaka komzoù ar skrid en urzh o skrivañ un niver er c'homboù :

- | | | | |
|------------------------------------|--------------------------|-----------------------------|--------------------------|
| - « Mezh oc'h evañ ! » | <input type="checkbox"/> | - « Mezh gant petra ? » | <input type="checkbox"/> |
| - « Evit disoñjal e 'm eus mezh. » | <input type="checkbox"/> | - « Evañ a ran ? » | <input type="checkbox"/> |
| - « Petra a rez ? » | <input type="checkbox"/> | - « Evit disoñjal. » | <input type="checkbox"/> |
| - « Perak ez evez ? » | <input type="checkbox"/> | - « Evit disoñjal petra ? » | <input type="checkbox"/> |

II- Lenn ha kompren : gwir pe gaou

	gwir	gaou
Ar pempet planedenn zo hini un enaouer-klozerioù.	<input type="radio"/>	<input type="radio"/>
Tri c'hant metr eo troiad e blanedenn.	<input type="radio"/>	<input type="radio"/>
Sec'hiñ a ra an enaouer-kleuzeurioù e dal gant ur frilien.	<input type="radio"/>	<input type="radio"/>
Treñ a ra ar blanedenn buanoc'h-buanañ.	<input type="radio"/>	<input type="radio"/>
Lezirek eo an enaouer-kleuzeurioù.	<input type="radio"/>	<input type="radio"/>
Lu e hañval bezañ an enaouer-kleuzeurioù d'ar priñs bihan.	<input type="radio"/>	<input type="radio"/>

III- Douaroniezh / Skiantoù

Goulennoù :

- | | |
|---|---|
| 1- Pet kevandir zo war an Douar ? Pere int ? | 3- Pet kleuzeur zo e penn-ahel an |
| 2- Displeg perak emañ troiad an enaouerion-gleuzeurioù war an tu-se, eus Zeland-Nevez betek Amerika ? | Hanternoz ? Hag e penn-ahel ar C'hreisteiz ? |
| | 4- Perak ne labourere enaouerion-gleuzeurioù ar pennoù-ahel ken nemet div wech ar bloaz ? |

IV- Niveradur : skriv gant sifroù pet eus an dud-se zo war an Douar hervez Saint-Exupéry

_____ roue. _____ nevidour. _____ den fougeüs.

_____ douaroniour. _____ lonker. _____ den bras.



Antoine de Saint-Exupéry / Pellgarget digoust diwar <http://kostimatisto.eklablog.com>



Ar Priñs Bihan

Fichenn [10]

Domani : hentenn lenn

Palioù :

- Ur buhezad a bouez bras : lennadenn berzvezh ar rann XXI adal an deroù p. 66 betek “Mar plij...doñva ac’hanon ! emezañ.” p. 69
- Hennadiñ neuzid an tudennoù dre an diviz.

I- Ar priñs bihan

- 1- E peseurt tro spered emañ e deroù ar rann ? Displeg perak.
- 2- Hag en hevelep tro spered emañ e dibenn ar rann (p. 72) pa ’z a da welout ar roz ?
- 3- Penaos e tisplegez en deus kemmet tro spered ? Piv en deus roet tro dezhañ d’e ober ? Penaos ?

II- Al louarn

- 1- Pelec’h emañ e deroù ar rann ?
- 2- Klask en destenn an arverkoù a ziskouez ez eo eñ a ziviz ober an digoroù gant ar priñs bihan.
- 3- Gant peseurt abeg, peseurt nerzh ez eo broudet d’e ober ? Evit piv, evit petra en gra ?
- 4- Un nerzh enep en e greiz koulskoude a vir outañ a vont e darempred gant ar priñs bihan.
Klask en destenn arverkoù, prouennoù, eus an nerzh enep-se. (Ma ne gavez ket, klask sikour gant ar goulennoù da heul.)
- 5- Peseurt enebadur zo etre emzalc’h al louarn ha pezh a lavar ?
- 6- “Petra ’dalvez doñvaat ?” Pet gwech e tremen al louarn hep respont d’ar goulenn ? Perak ?
- 7- Pegoulz ez eo mat dezhañ respont ? Perak en deus cheñchet emzalc’h, hervezout ?

III- E skol al louarn

- 1- “Doñvaat” eo ger alc’hwez an destenn. Pet gwech en kavez er skrid ?
- 2- Klask ha skriv an displegadur roet er geriadur.
- 3- Eilskriv an displegadur roet gant al louarn.
- 4- Pe hini a blij dit ar gwellañ ? Perak ?
- 5- Pajenn 68 e lavar al louarn div wech an hevelep goulakadenn : “Met mar doñvaez ac’hanon,...”.
Klask an div lavarenn-se e ’z levr.
- 6- Klask en daou rannbennad-se an holl elfennoù a sav enep an eil re ouzh ar re all, a-raok ha goude an doñvidigezh. Sav ha kloka un daolenn evel homañ war da gaier evit respont.

A-raok	“Met mar doñvaez ac’hanon...”	Goude

IV- Klozadur

- 1- Petra en deus desket, komprenet, ar priñs bihan gant al louarn ?
- 2- E pe lodenn eus ar rann-se ez eo bodet, e berr, kentelioù ar gontadenn-se ?





Ar Priñs Bihan

Fichenn [11]

Domani : yezhadur

Palioù :

- *Ar stummoù lavarennoù* : al lavarenn-c'houlenn / al lavarenn-c'hourc'hemenn : an douor

I- Al lavarennoù-goulenn

Skrid pajennoù 66-68 “*D’ar mare-se eo e tegouezhas al louarn*” betek “*N’eus netra disi.*”

- 1- Pet lavarenn-c'houlenn a implij al louarn hag ar priñs bihan pep hini ? Gant ur c'hreion treluc'h, uslinenn int gant ul liv disheñvel evit pep tudenn ha kont int.
- 2- Klask diwar-benn petra ez eo pep hini. Diwar-benn petra e vank skiant da bep hini eus an div dudenn ?

II- Al lavarennoù-diskleriañ

E pe rannbennad e kaver ar muiañ a lavarennoù-diskleriañ ? Perak ?

III- Al lavarennoù-gourc'hemenn

- 1- Adalek “*D’ar mare-se eo e tegouezhas al louarn*” betek “*Mar plij,... doñva ac’hanon !*”, adskriv holl lavarennoù-gourc'hemenn an destenn.
- 2- Petra emañ ar priñs bihan hag al louarn o c'hortoz an eil a-berzh egile ?
- 3- Islinenn verboù al lavarennoù-se.
- 4- Lavar petra eo o moz, o amzer, o gour ha kloka displegadur pep hini anezho.
- 5- Klask displegañ ar verboù-mañ en douor : bezañ, kaout, kanañ, echuiñ, mont.

IV- Skrivañ un destenn c'hourc'hemenn

« Mar fell dit ur mignon, **doñva** ac’hanon !

- Petra zo ret ober ? eme ar priñs bihan.

Ret eo **kaout** kalz pasianted, a respontas al louarn. **Azezañ a ri** da gentañ un tammig pell diouzhin, evel-se, er geot. Sellout a rin ouzhit a-gorn ha **ne lavari** netra. Al lavar zo andon a dreuzkomprenadurioù. Met, bemdez, **e c'helli azezañ** un tammig tostoc'h...» (p. 69)

- 1- **Prientiñ**. Klask pe re eo al lavarennoù-gourc'hemenn hag ar furmoù verb implijet enno.
 - 2- **Pal**. O harpañ war an alioù a ro al louarn d’ar priñs bihan, skriv ur fichenn bleustrel, e giz ur rekipe, war an doare da zoñvaat un dra, ul loen pe un den, dibabet ganit.
- Urzh**. Implijout a ri holl furmoù ar gourc'hemenn : anv-verb, amzer dazont an doare-diskleriañ, doare-gourc'hemenn.





Ar Priñs Bihan

Fichenn [12]

Domani : *kendod lenn*

N ⁿⁿ AR RANN	TALBENN A ROEZ D'AR RANN	LEC'H HA TUDENNOÙ AR RANN
1		
2		
3		
4		
5		
6		
7		
8		
9		
10		
11		
12		
13		
14		
15		
16		
17		
18		
19		
20		
21		
23		
24		
25		
26		
27		





Ar Priñs Bihan

Fichenn [13]

Domani : *kendodiñ / lenn*

Palioù :

- *un dezrevell deskoni : meizañ ster arouezel ar skrid o te zrannañ an talvoudoù ez eo lakaet ar priñs bihan da asantiñ pe da argas e-kerz e veaj.*

- 1- Perak en deus ar priñs bihan kuitaet e blanedenn ?
- 2- Ha cheñchet en deus pa zistro d’e blanedenn goude e veaj ?
- 3- Peseurt kemmoù zo bet ?

TUDENNOÙ KAVET	PETRA EN DEUS DESKET DIGANT PEP HINI ? PERZH (+) PE (-)	KALONADOÙ, TRIVLIADOÙ PE PESEURT SKIANT EN DEUS PRENET
A-raok e veaj		
Ar gwez-baobab (V)		
Ar vleunienn (VIII ha IX)		
E-kerz e veaj : ar planedennoù		
Ar roue (X)		
An den fougeüs (XI)		
Al lonker (XII)		
An nevidour (XIII)		
An enaouer-kleuzeurioù (XIV)		
An douaroniour (XV)		
An Douar		
An naer (XVII)		
Bleunienn teir delienn (XVIII)		
Ar menez (XIX)		
Al liorz h roz (XX)		
Al louarn (XXI)		
An heñcher (XXII)		
Ar marc’hadour (XXIII)		
E dibenn e veaj – An daneveller		
Ar sec’hed (XXIV-XXV)		
An naer (XXVI)		





Ar Priñs Bihan

Fichenn [14]

Domani : *skrivañ*

Palioù :

- *skrivañ un danevell glok, un diviz enni.*

Da zibab :

1- Dodenn 1

Emgavout a ra ar priñs bihan war ur seizhvet planedenn annezet gant ur politikour, ur poliser, ur sportour, ur skolaer, pe un dudenn all kavet ganit. Ijin o diviz.

2- Dodenn 2

Trist out. Emgavout a ra ur boudig bihan deuet eus ur blanedenn all da 'z frealziñ.

Ijin an degouezh hag an diviz, o toujañ da framm boas an danevelliñ :

Plegenn gentañ (an degouezhioù : piv ? pelec'h ? pegoulz ? perak ?) :
spisañ a ri ivez perak ez out trist.

Elfenn deluskañ : Penaos en em gav egile ? Penaos en dizoloez ? Peseurt neuz en deus ?

Darvezadur - Amañ : un diviz.

Diskoulmadur - Penaos e echu an emgav.

Plegenn ziwezhañ.





Stagadenn 1 :

Al lavarennoù gennet

Alies e kaver etre div lavarenn, pe zoken etre daou ezel ul lavarenn, lavarennoù all, distag peurliesañ :

« Al laer-se ! a zamgomze ar paotr, al laer-se ! » (Fañch al Lay)

« Klev 'ta Gevred, a lavaras an Avel-Uhel p'oa tost d'e vreur, ha ne 'c'h eus-te ket gwelet netra a nevez en da barrez pell 'zo ? » (Gabriel Milin)

Seurt lavarennoù a vez graet anezho lavarennoù gennet.

An araogenn **eme** he deus alies evel-se talvoudegezh ur verb :

« Ar c'hezeg, emezañ, n'o devije ket kroget, ma ne vijes ket bet aze. » (Jakez Riou)

Frañsez Kervella, Yezhadur Bras ar Brezhoneg - § 704





Ar Priñs Bihan

Fichenn [16]

Stagadenn 2

Antoine de Saint-Exupéry

1900-1944



Skrivagner ha klasker troioù-kaer war un dro ez eo brudet Antoine de Saint-Exupéry ken evit e romantoù ken evit e varregezhioù levier nijerezed. Keneil eo da Mermoz ha da Guillaumet e troioù-kaer kentañ an *Aéropostale*. Hag unan eus gouroned an nijerezh brezel gall da vare an eil brezel bed ez eo c'hoazh. E 1944 e varv en ur gwallzarvoud a-us d'ar Mor Kreizdouar. Skrivet en deus melloù oberennoù evel Terre des hommes, Vol de Nuit pe Ar Priñs Bihan.

Ganet eo bet Antoine e Lyon. Mervel a ra e dad pa 'z eo 4 bloaz. Kaset eo diwezhatoc'h d'ur skolaj e Le Mans. D'e 12 vloaz e ra e nijadenn gentañ en ur c'harr-nij. Nozvezh an deiz-se e skriv ur varzhoneg d'e gelenner galleg diwarbenn an nijadenn-se. Gwrac'h e vo gant an nijerezh hag ar skritur e vuhezpad.

E 1926 ez eo gopret gant an embregerezh Latécoère da gas ar post dre nijerez etre Toulouse ha Dakar. Goude se ez eo e penn ur bon aer er gouelec'h ha mont a ra alies da skoazellañ levierion ha da zresañ o c'hirri-nij. E 1931 e krou aerlinennoù nevez en Amerika ar Su. Dimeziñ a ra en Arc'hantina. E 1935 e ra an *Aéropostale* freuzstal. Gopret eo Saint-Exupéry gant Air France. Klask a ra ar bloaz-se parfoeltrañ ar gourc'hoù tizh etre Paris ha Saigon. E 1938 e klask kas ur c'harr-nij eus New-York betek Tierra del Fuego, en Arc'hantina. E 1939, ez eus roet dezhañ Priz an Académie Française evit e levr Terre des Hommes. E-pad an eil brezel-bed eo levier nijerezed evit al lu gall hag evit ar Rezistañs, da lavarout eo ar stourm ouzh an enebourion. Met derc'hel a ra da skrivañ e keit-se memes tra, evel *Ar Priñs Bihan* embannet e 1943. D'an 31 gouere 1944 e tibrad eus Korsika evit ur gefridi anavezadenniñ a zo roet dezhañ. Ne zistroy ket, en abeg d'ur gwallzarvoud e-kreiz ar mor.

